



UNIVERSITÄTS-
BIBLIOTHEK
PADERBORN

Praxis Meditationum S.P. Ignatii Loyolae

Diertins, Joseph

Solisbaci, 1708

Med. 22. Ejusdem Mysterii punctum 2.

[urn:nbn:de:hbz:466:1-60232](https://nbn-resolving.org/urn:nbn:de:hbz:466:1-60232)

MEDITATIO XXII.

De Tribus Magis Regibus. Matth. 2.

Myſt. punct. 2.

CONG. Objicere ſibi puncta meditationis, & reliqua; ut ante dictum.

PRÆL. I. Magi Jerofolymâ pergunt in Bethleëm, & adorant Chriſtum, dantes munera.

PRÆL. II. Intueri viam, uſque ad domum, in quâ erat Chriſtus.

PRÆL. III. Petere gratiam, ut amore Chriſti impuſus ipſi me totum offeram.

PUNCTUM. I. PERSONÆ. MEM. Videre Magos Stellâ duce pergentes in Bethleëm.

INTEL. Consideremus illos plenos gaudio ſpirituali, eoque ingenti, *videntes autem Stellam, ga- viſi ſunt gaudio magno valdè.* Matth. 2. tale gaudium, non poterat inveniri in Aulâ Herodis.

REFL. ſcrutemur attentè interius noſtrum gaudium: nam ſicut *ſapientia... hujus mundi, ſtultitia eſt apud Deum.* 1. Cor. 3. Sic, quidquid ſolatii oritur à carnis, ſenſuum, amoris que proprii, ac mundani rebellione, eſt *ſtultitia, gaudium ſulto.* Prov. 15.

Vol. Abhorreamus à gaudio illo ſulto, anhelamus ad gaudium, quod Stella illa attulit Magis, & quod Angelus evangelizavit Paſtoribus.

PUNCTUM. II. VERBA. MEM. Audire quid loquantur Magi pergentes in Bethleëm.

INTEL. Cogitemus illos his, aut similibus verbis invicem excitasse. *Venite, exultemus Domino, jubilemus Deo salutari nostro. &c. Venite adoremus & procidamus ante Deum.* Ps. 94. REFL. Convenit Sacerdotes pari affectu Psalmum illum quotidie legere.

VOL. Languorem nostrum accusemus in divino officio recitando, deseramus Aulam mundanam Herodis, & piis colloquiis, & Psalmis excitemus nos ad adorandum in Bethleëm.

PUNCTUM III. OPERA. MEM. *Intrantes domum... procidentes adoraverunt eum: & apertis thesauris suis, obtulerunt ei munera, aurum, thus, & myrrham.* Matt. 2.

INTEL. Hoc est, quod didicimus in Contemplatione Regni Christi, quod, qui se obsequiis illius prorsus duxerint mancipandos... *Majora & praeclariora quadam munera oblaturi sunt.* REFL. Inspiciamus quomodo offeramus Deo tria vota Religionis. Nam paupertas, per aurum oblatum; Castitas per Myrrham; holocaustum obedientiae, per thus significatur.

VOL. Nos quoque procidentes adoremus Christum: & totos nos, quanti sumus, ipsi offeramus in holocaustum, *qui propter nos homines, & propter nostram salutem descendit de Caelis, & incarnatus est ex Maria Virgine. & homo factus est.*

COLLOQ. Ad Christum à magis adoratum renovando

vando omnia, quæ in *Contempl. de regno Christi*,
meditati sumus, gratiam, uberem postulantes ad
illa exequenda. RECOLLECTIO.

MEDITATIO XXIII

De tribus magis Regibus. Matth.

Myft. punct. I.

CONG. Ut jam dictum.

PRÆL. I. *Responsa accepto in somnis, ne redi-
rent ad Herodem, per aliam viam reversi sunt in
Regionem suam. Matth. 2.*

PRÆL. II. Inspicere illam aliam viam.

PRÆL. III. Petere illa dona & illas gratias, quas
magi à Christo acceperunt,

PUNCTUM. I. PERSONÆ. MEM. Intueamur tres
magos redeuntés per aliam viam.

INTEL. Contemplemur illos ornatos tribus vir-
tutibus Theologicis, aliisque: donis, item & fru-
ctibus Spiritus Sancti. Nam Christus numquam
finit se liberalitate vinci. REFL. Cogitemus nos
ideo minùs ornatos esse illis gratiis, quia minùs
liberales sumus erga Deum.

VOL. Relegamus attentè Reg. 19. Summ. in quâ
agitur de liberalitate nostrâ erga Deum, & Dei
erga nos: illamque sedulò studeamus.